

# Tips per ils geniturs

## Emprender insieme

Quest document cuntegna ina retscha da tips per sa preparar sin in barat. Tge duessas Vus resguardar, cura che Vus retschavais la partenaria u il partenari da barat da Voss uffant? Tge far, sch'ella u el na ristga betg da communitgar cun Vus? Nus avain preparà per Vus differents tips.

### **Avant il barat**

- inscuntrar la famiglia partenaria
- motivar Voss uffant da sa preschentar
- discurrer davart il diever da meds da communicaziun
- reglar dumondas da gener finanziel

2

---

### **Ils emprims dis**

- preschentar Voss ambient da viver
- crear in clima da confidenza
- communitgar en scrit ils puncts essenzials

### **Durant il segiurn da barat**

- gidar l'uffant a sa sviluppar linguisticamain

3

---

# Preparaziun

## **Inscuntrar la famiglia partenaria**

In tschert temp avant il barat pudais Vus inscuntrar la famiglia ed emprender d'enconuscher in l'auter durant in café u cun telefonar/far in skype. N'hajas betg retegnientschas da dumandar tut quai che Vus stuais savair (nutriment spezial, allergias, etc.) e dai era Vus vinavant tut las infurmaziuns impurtantas a la famiglia.

## **Discurrer davart il diever da meds da comunicaziun**

Durant l'entir segiurn da la partenaria u dal partenari da barat essas Vus la persuna responsabla per la scolara u il scolar. Ella u el sto perquai sa drizzar tenor Vossas decisiuns e Voss plans. Sch'i dat conflicts, contactai ils geniturs.

## **Reglar dumondas da gener finanzia**

Da princip surpiglia la famiglia ospitanta ils custs (excursiuns, visitas, activitads ...). Nus As recumandain da discurrer avertamain sur da questa dumonda. Excursiuns n'èn betg obligatoricas, mabain pon vegnir offertas da las famiglias tut tenor pussaivladad.

## **Motivar Voss uffant da sa preschentar**

Cura che Vus avais fixà las datas, motivai Voss uffant da scriver in e-mail a la partenaria u al partenari da barat per sa preschentar (famiglia, regiun e program dal barat). In contact regular (via e-mail, WhatsApp ...) gida a sa preparar bain.

## ***Barat durant il temp da scola***

Las direcziuns da scola e las persunas d'instrucziun èn infurmadadas davart las modalitads dal barat ed èn d'accord cun quellas. Surtut las persunas d'instrucziun duessan survegnir infurmaziuns davart la scolara u il scolar da barat – igl è Vossa incumbensa d'infurmar ellas.

## Ils emprims dis

### Preschentar l'ambient da viver

Mussai a la scolara u al scolar la chasa e nua ch'ella u ch'el po far tge. Po ella u el p.ex. prender sezza/sez insatge or da la frestgera?

Declerai las usanzas famigliaras (far la duscha la damaun u la saira, temp al computer, etc.), il decurs dal di, il diever dal telefonin (metter ord funcziun la notg, deponer el en in tschert lieu ensemen cun ils telefonins da Voss uffants, etc.).

### Communitgar en scrit ils puncts essenzials

Dai al giast ina carta cun Voss num, prenum ed il numer dal telefonin. Notai en cas da basegn sin in cedel il numer dal bus, la direcziun ed il num da la fermada.

### Crear in clima da confidenza

Dai a la scolara u al scolar la pussaivladad da telefonar cun sia famiglia e communitgar ch'ella u ch'el è arrivada/arrivà bain. In telefon da temp en temp tanscha, uschiglio s'augmenta il privel che l'uffant lascha encrescher pli e pli fitg.

Na curregi betg tut ils sbagls, mabain mo quels che difficulteschan la chapientscha u che capitin fitg savens.

### *Bonus*

- Surdai a la scolara u al scolar in regalin da bainvegni che ha in connex cun il chantun u cun la lingua ch'ella u ch'el emprenda.
- Cuschinai l'emprim di insatge che la scolara u il scolar ha gugent u ina tschavera populara (p.ex. spaghetti cun sosa da tomatas u pesto).

## Segiurn da barat

### Gidar l'uffant a sa sviluppar linguisticamain

Gieus ed activitads pon gidar la partenaria u il partenari da barat a far progress en rumantsch:

- Supplitgai ella u el da notar mintga di sin in fegl en cuschina trais peds che la famiglia dovra savens e ch'ella u ch'el n'enconuscheva anc betg.
- Dai a la scolara u al scolar ina simpla lectura, sch'ella u sch'el legia gugent (p.ex. in cudesch da Gian e Giachen).

- Laschai discurrer ella u el da chaussas ch'ella u ch'el ha u fa gugent. Sco agid pon servir maletgs da l'internet.
- Discurri davart il decurs d'in di.
- Faschai dumondas davart sia famiglia, las usanzas, la professiun dals geniturs, etc.

### **Gidar l'uffant a sa sviluppar linguisticamain (cuntuaziun)**

- Faschai durant las tschaveras dumondas davart las disas da mangiar.
- Proponi da far ina «saira da gieus da cumpagnia»: gieu da las aucas, citad-pajais-flum (versiun simpla), etc.
- Dai la pussaivladad da participar a las activitads da musica u da sport da Voss uffant. N'emblidai betg d'infurmar ordavant la manadra u il manader.
- Supplitgai la scolara u il scolar a la fin dal segiurn da scriver a Vus ina carta / in e-mail per rumantsch.
- Sche Voss giast ha già fitg gugent ina tratga, proponi da notar il recept e da cuschinar la tratga anc ina giada cuminaivlamain, per ch'ella u ch'el possa cuschinar quella era per l'atgna famiglia.
- Dai pitschnas incumbensas durant che Vus faschais las cumissiuns: ir per ils ovs, ir per il latg, tscherner il picnic.

#### ***Ulteriuras resursas sin movetia.ch***

- glista da controlla
- frusas nizzaivlas